



Broj: T18 o KT 0014768 20
Brčko, 11.11.2021. godine

OSNOVNI SUD BRČKO DISTRIKTA BIH

Na osnovu člana 35. stav 2. tačka z) i člana 226. stav 1. Zakona o krivičnom postupku Brčko distrikta BiH, podižem

OPTUŽNICU

Protiv:

DIKA JANKOVIĆA ... rođen ... 1960. godine u Breziku ...

Što je:

1. U periodu od početka 2020. godine do 15.11.2020. godine, na području Brčko distrikta BiH, nakon što su odlukom Centralne izborne komisije BiH broj 05-1-07-1-393-1/20 od 07.05.2020. godine raspisani lokalni izbori u Bosni i Hercegovini, pa tako i neposredni izbori za poslanike u Skupštini Brčko distrikta BiH koji su se održavali dana 15.11.2020. godine, svjestan da prikupljanjem ličnih identifikacionih dokumenata građana Bosne i Hercegovine, korištenjem njihovih ličnih podataka o imenu, prezimenu, datumu rođenja, adresi stanovanja, jedinstvenom matičnom broju, a radi podnošenja prijava za glasanje na lokalnim izborima u Bosni i Hercegovini, stvara uslove za izvršenje krivičnog djela Prevara pri glasanju iz člana 193. Krivičnog zakona Brčko distrikta BiH, znajući da je za prijavu za glasanje izvan BiH neophodno dostaviti i kopiju jednog od važećih identifikacionih dokumenata sa fotografijom, u namjeri da za politički subjekt „Narodni demokratski pokret“ (NDP) i kandidate te političke stranke za poslanike u Skupštini Brčko distrikta BiH Radoslava Bogićevića i Nenada Kojića, pribavi veći broj glasova, na način da obezbjedi uslove da on ili njemu poznato lice, iskoristi glasački listić za glasanje izvan BiH koji će biti poslat na adrese na koje su građani prijavljeni u inostranstvu i u ime tih prijavljenih lica glasa pod njihovim imenom, lično, te putem interneta - aplikacija za razmjenu poruka i razgovornu komunikaciju, pribavio fotografije ličnih i putnih isprava od lica M. D, Z. Č, D. R, A. R, B. Z, M. D, R. J, M. J, N. J, J. J, R. R, M. S, G. S, Đ. S, S. S, N. S, T. S, T. R, O. K, Z. S, B. Đ, M. P, N. O, B. G, H. B, R. K, M. K, M. K, D. P, S. S, Ž. J i G. J, svi sa prebivalištem u Brčko distriktu BiH, koje je zatim pohranio u memoriju svog elektronskog uređaja – mobilnog telefona ili računara, kao i u vidu odštampane kopije ličnog dokumenta, nakon čega su tokom druge polovine 2020. godine, identifikacioni dokumenti navedenih lica, bez njihovog znanja i saglasnosti, u kopiji i u štampanom obliku dostavljeni Centralnoj izbornoj komisiji BiH u prilogu obrazaca PRP-1 Prijava za glasanje izvan BiH, po kom osnovu su ta lica registrovana za glasanje izvan BiH,

dakle, nabavio i pripremio sredstva i preduzeo drugu radnju koja stvara uslove za direktno učinjenje, ali nije dio učinjenja krivičnog djela propisanog zakonom u Brčko distriktu BiH za koje se može izreći kazna zatvora tri godine ili teža kazna, a za pripremanje pojedinog krivičnog djela nije propisana posebna kazna,

2. Dana 13.10.2020. godine, u mjestu ... broj 312, Brčko distrikt BiH, svjestan da ne posjeduje odgovarajuću ispravu o oružju i da je građanima zabranjeno nabavljanje i držanje oružja kategorije „B“ bez odgovarajuće isprave o oružju, u prostorijama svoje kuće, suprotno članu 7. stav 3. Zakona o oružju i municiji Brčko distrikta BiH („Službeni glasnik Brčko distrikta BiH“ broj 39/11, 02/12 i 06/13), držao pištolj marke „Crvena zastava“, fabričkog broja 215019, kalibra 7,65 mm, kojeg je ranije nabavio i koje oružje je razvrstano u kategoriju „B“ iz člana 6. tačka b) alineja 1) istog zakona, kao i dva pripadajuća okvira u kojima se nalazilo ukupno 16 komada metaka kalibra 7,65 mm i dvije kutije municije u kojima se nalazilo ukupno 44 komada metaka kalibra 7,65 mm,

dakle, bez važeće isprave o oružju nabavio i držao oružje i bitne dijelove za oružje kategorije „B“,

čime je radnjom opisanom pod tačkom 1. optužnice učinio krivično djelo Pripremanje krivičnog djela iz člana 333. Krivičnog zakona Brčko distrikta BiH, a radnjom opisanom pod tačkom 2. optužnice krivično djelo Neovlaštena nabavka, držanje ili prodaja oružja ili bitnih dijelova za oružje iz člana 65. stav 1. Zakona o oružju i municiji Brčko distrikta BiH.

1. Na osnovu člana 78. Krivičnog zakona Brčko distrikta BiH predlažem da Osnovni sud Brčko distrikta BiH optuženom izrekne mjeru bezbjednosti **oduzimanja predmeta** i to pištolja marke „Crvena zastava“, fabričkog broja 215019, kalibra 7,65 mm, dva pripadajuća okvira u kojima se nalazilo ukupno 16 komada metaka kalibra 7,65 mm i dvije kutije municije u kojima se nalazilo ukupno 44 komada metaka kalibra 7,65 mm, kao predmeta upotrebljenih za učinjenje krivičnog djela.

Preduzimanje radnji krivičnog gonjenja prema određenom licu ne znači da je to lice zaista i odgovorno za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.
